

上○夜一更二更月暈○癸丑○王世子問安○司諫院啓曰善

山府使鄭士信當亂初身居言地不恤君父之急托以還家救母而竟歸於嶺東婦翁之邑留連累月至今聞者莫不痛憤厥後手持首級始到行朝欲有贖罪邀功者然人皆唾鄙而攻之者亦衆其計雖不得遂其為用心極為無狀不可齒在衣冠之列以辱名器請命削去仕版

答曰依啓○上教政院曰後苑有骸骨露出言于有司速為處置

政院啓曰賊退之後令該司修掃行宮則所當十分淨潔為之後苑

尚有骸骨至為駭愕其時修理官負推考治罪傳曰依啓○以俞大

禎為司憲府掌令尹安性為司憲府持平安性小無行檢見棄清議至是新入臺端時議以之

奇自獻為侍講院輔德○未時日暈夜一更二更巽方坤方如火氣自

一更至三更月暈○陳遊擊接伴使李時發書啓正月十二日早隨

遊擊自榆川起身過密陽泊金海竹島營小將來見於船上請飯仍宿

其所其營基址廣比平壤一般三面臨江周以木城重以土城內築石

城高臺傑閣粉壁絢爛大小土宇彌滿櫺比似無一片空地量有萬餘

兵容接矣大小船隻列泊城下不記其數有投付我民結幕城外處處屯

結捉魚為生矣有林通事稱名人以行長差遣伺候于遊擊乃浙江